



Philippus natus est in oppido Brettæ Electoris Palatini ditionis 16 Februarij hora 7 post meridiem, anno 14 7. parêtes habuit honestos Georgiũ Schuuartzerd Heidelbergensem, atq; Philippĩ Palatini armarium primarium, & Barbaram Reüterin Bretanam, Ioannis Reüteri eius oppidi prætoris filiam. Illi cum præclaram filij indolem cognouissent, ipsum in bonis literis educandum censuerunt, atq; in Brettana schola prima fundamenta ponere iusserunt. Cum autem pater ob principis negotia sæpius abesset, filium socero cõmendauit, atq; ut eius curã susciperet, petijt. Itaq; maternus auus Philippũ domi suæ aluit, atq; Ioannem Hungerum à Pfsalheim

priuatum & domesticum præceptorẽ constituit, præsertim cum morbus Gallicus passim uulgò grassaretur. ab eo rudimẽta Grammatices & cantiones Ecclesiasticas feliciter didicit. Cum autem auus atq; pater eodem anno 1508 fato fungerentur, Philippus undecim annos natus Pfortzheimium ad Iohannis Reüchlini sororem (quę cognata erat) transmissus, ut à Iohne Simlero Vuirpiniensi uiro docto, qui in eo loco celebrem scholam erexerat, in literis institueretur. Accidit autem ut Reüchlinus sæpius Pfortzheimium ueniens suam sororem inuideret. Is Philippĩ ingenio perspecto currenti equo calcaria addidit, atque uaria literaria munera obtulit, utpote pileum Doctorem, quem in Italia acceperat, atq; Grammaticam Græcam, quæ tum difficilimẽ comparabatur. Tum etiam Ioannes Hildeprant priuatim Græcam linguam docere incipiebat. huic cum præclaram operam Philippus nauaret, Reüchlinus quoque uocabularium Græcum est pollicitus, ea tamen lege, ut uersus aliquot à se scriptos, cum redijisset, offerret. Vnde Philippus sese diligenter in Poëtica & Græca lingua simul exercuit, atque ferè puer in honorem Reüchlini cognati comœdiam scripsit, & in eius præsentia egit, personis conuenientibus ad id electis, inter quos etiam Franciscus Irenicus erat, celebris postea Germaniæ Historicus.